



# Synfocity = 956

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

September 26, 2024

## ❑ **Bial Treasurer-te pualin Training**

September 20, 2024 (Zirtawpni) khan Synod Conference Centre, Mission Vengah Bial Treasurer-te pualin Training neih a ni a, khawpui chhung aṅging mi 32 leh khawpui pawn aṅging mi 86, an vaiin mi 118 an kal a. Training-ah hian Bial Treasurer-ten Synod sum an enkawlna kawngah hmasawna an neih theih nan zir ho ngaite an zir ho a ni.

Training hi hun hniha hman a ni a, hun khatna hi chawhma dar 10-ah ṅan a ni a, Rev. V.L. Luaia Hranleh, Executive Secretary leh Finance Officer-in hunserh a hmang a, inhmelhriattirna neih a nih hnuah Upa F. Lalmangaiha, Finance Manager-in hun hmangin, thupui pahnih - Synod Sum Vawn Dan 2020 leh Bank dawr dan chungchang leh Bial Treasurer TA/DA Bill dan chungchang a zirtir a, zawhna leh chhanna neih zui nghal a ni.

Chawhnu dar 1-ah hun hnihna neih leh a ni a, Pu Zaihmingthanga Fanai, Accountant-in hun hmangin, thupui pahnih - Treasurer sum ziakna bu leh Thawhlawm form hman dan leh Sum enkawl chungchang a zirtir a, chawhnu hunah pawh hian zawhna leh chhanna hun hman a ni a, hun tawpah Rev. C. Zoramawia, Senior Executive Secretary-in lawmthu sawiin kharna hun a hmang a ni.

## ❑ **Aluminium Mistiri Training hawna leh Pathian hnena hlanna neih a ni**

Synod Social Front leh Laura Aluminium Extrusions ṅangkawpin an buatsaih, Aluminium Mistiri Training vawi 4-na chu September 23, 2024 (Thawhṅanni) zan dar 7:00 khan Synod Conference Centre, Pi Zaii Hall-ah hawna leh Pathian hnena hlanna neih a ni.

Training hawna leh hlanna programme hi Rev. P.B. Mankima, Synod Secretary-in a kaihruai a. Upa H. Lalmingmawia, Co-ordinator, Synod Social Front-in inhmelhriattirna neiin training kalphungte a sawi zawhah Rev. V.L. Luaia Hranleh, Executive Secretary i/c Synod Social Front chuan Pathian hnenah training hi a hlan a ni. Rev. V.L. Luaia Hranleh chuan Training-a telte chu ṅahnemngai taka zir a, mahni kea ding zui thei ngei tur leh kan ramah aluminium hmanga eizawna chu ei zawna tling a nihzia sawiin, thiamna rintlak nei tura a duhsak thu a sawi. Laura Aluminium Extrusions neitu, Pi Vanlaldiki pawhin Mizoram-a aluminium lak luh a nih ṅan dante, a hnua Mizoten kan hman zui dante leh Mizo ṅhalaite thiam chi a nih thute a sawi bawk.

Aluminium Mistiri Training-a tel tur hian diltu mi 56 an awm a, an zinga mi 24 chauh zir tura an lak theih avang leh thiamna duha dil mi tam zawk lak an ni lo chu hrehawm an tih thu Synod Social Front hruaitute hian an sawi a. Tun ṅuma lak lohte pawh tih leh hun atan dil leh se an duh thu an sawi.

Training-ah hian ni hnih chhung theory-a an zir hnuah practical training an nei nghal ang a. October 18, 2024 (Zirtawpni) zanah khar a ni ang.

## ❑ **Praise On 2024**

September 21, 2024 (Inrinni) khan Lunglei Bazar Vengah Praise On 2024 Lunglei Audition neih a ni a, Praise On 2024 Judge pathum - Upa F. Lalthanmawia, NI. R. Lalrinmawii leh Pu Michael Lalneihtluanga ten an endik a ni. SYNFO Office aṅging Pu John Lalhruaitluanga, Co-ordinator (Organising Chairman ni bawk) leh staff-te, Pu Peter Lalanpuia, Pu H. Lalṅanpuia leh Pu David Lalruattluanga te an kal a. Video Production lam buaipuiin Tv. Vanlaldampuia, Tv. R.L. Zochhuanmawia leh Tv. Lalnunhlua te an kal bawk. September 25-28, 2024 chhung hian Audition hnunung ber, Aizawl Audition chu Tuikual Kohhranah neih mek a ni a, hetah hian Judge pathumte bakah Guest Judge, Tv. H. Lalṅazuala ten an endik a ni.

Praise On Audition hi Hruaina Eng TV-a a chhuah bakah Synod Information YouTube channel-a dah nghal zel a ni a. Aizawl Audition hi October 1-4, 2024 chhungin zan dar 8:30-ah a chhuak ang. Praise On First round intihsiak pawh TV leh YouTube-a en theih turin dah a ni dawn a, 2nd round (Top 30) aṅging Final thlengin Hruaina Eng TV leh YouTube lamah Live-a pekchhuah a ni thung tawh dawn a ni.

☐ **Kohhran Ni pawimawh - Nu leh Pa Ni leh Kristian Chhungkaw Ni**

Kumin 2024 Beihruul programme kal zelah September 29, 2024 (Pathianni) hian 'Nu leh Pa Ni' leh 'Kristian Chhungkaw Ni' hman a ni dawn a, chawhnuah 'Nu leh Pa Ni' programme hman a ni ang a, 'Min hringtu leh min enkawltu laka kan tih tur' tih thupui zir a ni ang a, zarah 'Kristian Chhungkaw Ni' proramme hman a ni ang a, 'Kristian Chhungkaw mawhphurhna - Khawtlangah' tih thupui zir ho a ni ang.

Beihruul programme hi September 1 aṅging hman ṅan a ni a. September 1-8 chhung khan 'Beihruul hawwna leh Ramthar Hapta' hman a ni a, September 23-30 chhung hian 'Kristian Chhungkaw Hapta' hman mek a ni.

Kum 2000 Synod Inkhawmpui chuan September Pathianni hnuhnung ber hi Kristian Chhungkaw Ni atan hman ni se, a tih angin kum 2002 aṅging hman ṅan a ni a. Kum 2011 Synod Inkhawmpui chuan Nu leh Pa Ni hman a rel leh a. Kan kohhran hian ni pawimawh kan neih tam deuh tak avangin ni khata hman mai ṅa tih a ni a. Chumi ang chuan kum 2013 aṅging Kristian Chhungkaw Ni leh Nu leh Pa Ni chu Pathianni ṅum khatah hman a ni ta a ni.

☐ **Thawktu thar**

Synod Service Board chuan Synod hnuai Office Assistant leh P.C. Girls' School-a Chowkidar hna contract-a thawk tur a la thar a, an hna hi October 1, 2024 aṅging an zawm ang. Lak tharte chu -

**Office Assistant:**

R. Lalawmpuia s/o R. Lalhmingthanga, Durtlang Venglai

**P.C. Girls' School Chowkidar:**

R. Lalramliana s/o R. Vanlalvena, Durtlang Leitan.

☐ **Campus Ministry**

September 20, 2024 (Zirtawpni) chawhnu khan Durtlang North Primary School leh Middle School-ah hun hmangin Counsellor Tv. Lalrinchhana leh Resource person, T.Upa K. Lalengzama te an kal a. Pathian thua infuihnate neih a nih hnuah 'Drug Awareness Campaign' neiin, Resource Person hnen aṅging inzirtirna hun an hmang a ni. He hun hi Durtlang North Joint Churches Action Committee (Kohhran Inzawmkhawm Pawl) ruahmannaa neih a ni.

☐ **Prison Ministry**

September 22, 2024 (Pathianni) khan Serchhip District Jail, Chhiahtlangah hun an hmang a. Chawhma inkhawmah Upa K. Rosangzuala'n Pathian thuchah sawiin a lehkhabu ziah 'Tawi Te Chauh-2' bu hnih, Jail Library ṅana a pék chu Prison Ministry Director, Rev. Lalhmuchhuaka'n a hlan a. Ex Prison inmate Pu R.C. Lalmaka'n thuchah tawi a sawi bawk. Hmeichhe Jail lamah Pu C. Lalchhanchhuaha, Counsellor-in hun a hmang bawk.

Chawhnuah Mipa Jail lamah Rev.Lalhmuchhuaka'n hun a hmang a, Prison Inmate aṅging Solo leh Male Voice an zai a. Hmeichhe Jail lamah Upa K. Rosangzuala'n hun a hmang a ni. He hun hi Prison Sub-Committee hruaitute - Rev. R. Zoramawia, Chairman, Upa K. Lalbiakmawia, Secretary leh Pu Pachhunga, Committee Member te an tel thei bawk.

Tun dinhmunah Serchhip District Jail-ah tang 77 an awm a, an zinga 72 hi mipa niin, hmeichhia 4 leh naupang 1 an ni.

☐ **Kohhran Hmeichhia**

September 26, 2024 (Ningani) hian Leitan Kohhranah Leadership Training neihpui turin Pi Lalmuanzuali, Asst. Secretary leh Pi Rohmingthangi, Committee Member te an kal.

☐ **Worship**

September 26, 2024 (Ningani) hian Khawzawl Vengthar Bialah Zai hruai training neihpui turin Pu H. Lalrinmawia, Senior Music Instructor leh Pu C. Lalchhandama, Office Assistant te an kal.

☐ **Synod Mission Board**

◆ **Jharkhand Mission Field**

September 22, 2024 (Pathianni) khan belhtu thar 13 an awm.

◆ **Assam Mission Field**

September 22, 2024 (Pathianni) khan belhtu thar pakhat a awm.

♦ **Karbi Anglong Mission Field**

September 22, 2024 (Pathianni) khan belhtu thar pali an awm.

♦ **Patna Mission Field**

September 22, 2024 (Pathianni) khan belhtu thar panga an awm.

♦ **Delhi Mission Field**

September 22, 2024 (Pathianni) khan belhtu thar pariat an awm.

♦ **Zin**

September 23-October 1, 2024 chhung hian Nepal West Presbytery hmanpuiin Upa Lalṭhahluna Ralte, Coordinator leh Pu Lallawmnakima Hmar, Manager, Ramthar Chanchinbu te an kal.

♦ **Tripura Mission Field-a School pahnih zirchianna neih a ni**

September 25, 2024 (Nilaini) khan Tripura Mission Field-a High School pahnih Kalvari High School, Tuidu ami leh Bethlehem English Medium School, Noagang ami te Tripura Synod kuta hlan dan tur zir hona neih a ni a. Hemi hunah hian Rev. R. Lalmingsanga, Mission Board Secretary; Rev. Lalrinsanga, Field Secretary; Rev. Kalukalai, Executive Secretary, Tripura Synod leh High School Headmistress te pahnih nen Field Office, Agartala-ah ruahmanna neiin sawi hona hun an hmang.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund aṭangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Sihṭhiang Vengthar	Leimin tuar	6	₹ 70,000/-
2.	Zemabawk South	Damlo	2	₹ 20,000/-
3.	Ramhlun Vengthar	Damlo leh khawsak harsa	2	₹ 20,000/-
4.	Zemabawk North	Khawsak harsa	1	₹ 10,000/-
5.	Zemabawk East	Khawsak harsa	1	₹ 10,000/-
6.	Chhiahtlang Chanmari	Khawsak harsa	1	₹ 10,000/-
7.	Ainawn B.C	Damlo	1	₹ 10,000/-
8.	Tanhril Vengthar	Khawsak harsa	1	₹ 10,000/-
9.	Tualpui	Damlo	1	₹ 10,000/-
10.	Zohmun Kawnzar	Damlo	1	₹ 10,000/-
			<b>Belh khawm</b>	<b>₹ 1,80,000/-</b>

□ **FM Zoawi - Aizawl & Lunglei : Hruaina Eng Radio Programme**

September 27, 2024 (Zirtawpni) @ 7:30 p.m. :

**Solo** : B. Lalremtuangi - I hming ropui, **Zaipawl** : Kahrawt Bial Zaipawl - Chanchin Ṭha, **Thusawi** : Tv. Lalrinchhana (Counsellor, SCM) - Siamṭhat kohhran, **Solo** : Jennifer Lalremruati - Chanchin Ṭha mitin tan, **Zaipawl** : Darlawn Bial Zaipawl - Thlarau thianghlim

□ **Su Samachar Prasaran Programme :**

September 29, 2024 (Pathianni) 5:30 pm. :

**Group/Choir/Solo** : Mission Veng Kohhran Masihi Sangati - Lahu se Naya niyam, **Group/Choir/Solo** : Chhinga Vengthlang - Kalvari me prabhu, **Sermon** : Rev. B. Zobiaktluanga, **Group/Choir/Solo** : Siamtea - Param Pitra, **Group/Choir/Solo** : Hmingtea Tochwawng - Chhoti chhoti

□ **Hruaina Eng TV Programme**

26.9.2024 (Ningani)	8:30 pm	: Thupui zir bingna - Kohna
27.9.2024 (Zirtawpni)	5:00 pm	: Kristian Naupang Pual
	8:30 pm	: Praise On 2024 - Lunglei Audition
28.9.2024 (Inrinni)	5:30 pm	: Puitling Sunday School Zirlai
29.9.2024 (Pathianni)	8:00 am	: Weekly round up
	5:30 pm	: Su Samachar Prasaran
30.9.2024 (Thawhṭanni)	8:30 pm	: Hruaina Eng Luang chhuak - Rev. T.C. Laltlanzova
1.10.2024 (Thawhlehni)	8:30 pm	: Praise On Aizawl Audition Day 1
2.10.2024 (Nilaini)	8:30 pm	: Praise On Aizawl Audition Day 2
3.10.2024 (Ningani)	8:30 pm	: Praise On Aizawl Audition Day 3
4.10.2024 (Zirtawpni)	8:30 pm	: Praise On Aizawl Audition Day 4

☐ **Moderator leh Executive Secretary-te Programme:**

**Rev. R. Vanlalnghaka : Moderator**

Sept. 27, 2024 Champhai Kahrawt Kohhran Centenary hmanpui  
Sept. 28-29, 2024 Kohhran tlawh - Champhai Vengsang Bial  
Oct. 3, 2024 PRESCOM BEC

**Rev. C. Zoramawia : Senior Executive Secretary**

Sept. 30, 2024 Synod Rescue Home Retreat hmanpui

**Rev. V.L. Luaia Hranleh : Executive Secretary**

Sept. 27, 2024 Hospital Consultative Committee  
Sept. 29, 2024 Chawhnu - Chhinga Vengthlang Kohhran  
Zan - Dawrpui Kohhran  
Oct. 1, 2024 Rescue Home Managing Committee  
Oct. 3, 2024 PRESCOM BEC leh College of Nursing Graduation Day & Lamp Lighting  
Oct. 5, 2024 Sihphir Vengthar Kohhran Biak thar hawn  
Oct. 6, 2024 Ramhlun Kohhran - Social Front programme

**Rev. Dr. K. Lallawmzuala : Executive Secretary**

Sept. 27, 2024 Central KTP Committee  
Sept. 28-29, 2024 Champhai Kahrawt Kohhran Centenary hmanpui  
Oct. 1, 2024 Lungchhuan PES Building thar hawn  
Oct. 3, 2024 Worship Executive Committee

**October 4, 2024-a Synod Officers' Meeting (OM)-ah Moderator leh Executive Secretary-te an th̄u ang.**

**SYNOD REVIVAL HRIATTIRNA**

October 1-5, 2024 chung hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu Biakhmingthanga, Krista Th̄iante Team a ni ang. Camping Fee mi pakhat tan Rs.100/- a ni a, Mutbu bakah Bible, Hlabu, Pen, Note Bu ken tur a ni. Ruihtheih thil ken luh phal a ni lo a. Mobile Phone pawh ken luh phal a ni lo. Thawhlehniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.

**HRIATTIRNA**

Synod Multipurpose Training Centre (SMTC), Mission Vengthlang, Aizawlah a hnuai Trade-ah te hian training hawn a ni leh dawn a. Dilna form hi Office hun chungin SMTC Office-ah lain Kohhran lehkhah nen ni 22 November, 2024 thleng theh luh theih a ni.

1. Puanthui (Hmeichhia)
2. Puanthui (Mipa)
3. Beauty Culture
4. Mobile Phone repairing
5. DCA (1st Semester)
6. Electric wiring & repairing of Home appliances

**Interview hun :** November 26, 2024 (Thawhlehni) dar 9:30 a.m

Director  
Synod Multipurpose Training Centre,  
Mission Vengthlang, Aizawl

